

Quànd aiera una cinna
e a stéva in tal Pradèl,
propi d'frount al Crést
acsè par preciser,
toti al sir,
ormai strà al ciér e al scur,
l'ariveva l'umarein
co'na canna longa
pr'impier i lampiunzèn,
dal gas naturalment,
e con 'na co ed cinno dri
chi févan na gran gatéra
al finéva al so giro
l'umarein di lampiunzèn.
Pian pian anch al soul
l'è andè a durmir
e alaura tott vi
in Piàza San Franzèsch
a vàddar i burattèn
con al scrannèn dri.
Se po' t'avev dù gobbi
t'andev da la Rosina
a cumprèr nà meila asérba,
quatar burdigon,
un sug bacat
o un bichir ed brustulèn.
Se po' t livev i ùcc
a guarder pr'aria...
che bèl, che pés!
Un zil péin 'd stèll
ch l'è al piò bel zil
c'aveva mai guardé.
E la felizité ca iò pruvé
da cinna
in una chélda sira d'estét
a l'ho sèmpar què con me.
L'è 'na vétta cl'am fa cumpagnì.

Quando ero una bambina
e stavo nel Pratello,
proprio di fronte al Cristo,
così per precisare,
tutte le sere
ormai tra il chiaro e lo scuro,
arrivava l'omarino
col bastone lungo
per accendere i lampioncini,
del gas naturalmente,
e con una gran coda di bambini dietro
che facevano un gran baccano
finiva il suo giro
l'omarino dei lampioncini.
Piano piano anche il sole
è andato a dormire
e allora tutti via
in Piazza San Francesco
a vedere i burattini
con il seggiolino dietro.
Se poi avevi due soldi
andavi dalla Rosina
a comprare una mela acerba,
quattro burdigoni,
un bacchetto di liquirizia
o un bicchiere di brustolini.
Se poi alzavi gli occhi
e guardavi in alto...
che bello, che pace!
Un cielo pieno di stelle
che è il più bel cielo
che avessi mai guardato.
E la felicità che ho provato
da bambina
In una calda sera d'estate
l'ho sempre qui con me.
E' una vita che mi fa compagnia.